

هاوجلی پلاو مسئلهسی

یاغمور یاغیوردی، پیس پیس یاغیوردی. بو هواده آنجاق، یاپاییله جک بر شی
بولانلرک، بولقلرینی یاپاییلنلرک جانی صیقیلیمزدی. بنسه غزته نك بيلمه جه سنی ده
چوزمش بولونیوردیم. بکارکن بازار باشقه تورلی چکردی.
قاریعی دوشونمک ایسته دم: هنوز کینجیدی، کوزلیدی، شیمدی آقشام یمکنی
حاضرلامه چالیشیور و هنوز موافق ایشلرندن خوشلانیوردی. اپی چالیشمه مه رغماً،
اونی دو یغولرمده جانلاندیرامدم. بو فنا بر حالدی ... نه یایمالی؟
رادیویه کیتدم: اوزون دالغه بومبوشدی، اورتا دالغه ده اویله ... اوزون اوزون
اسنهدم. قیصه دالغه نك پارازیتلری آراسندن بر معجزه چیقیدی: بو انفس بر کاندی
و قاریمله، داها ایکی سوکیلی ایکن دیکله دیکمز بر.
هر شی جانلانی ویردی. ایچمده، کاشانی کوزلشدرن، حیاته معنا ویرن او بویولی
هیجان بلیرمکه باشلامشیدی. سسلندیم:

— خرم.

کورپه جک سینی ایشتدم:

— آفندیم!

کلسه که بر آز، دیدم.

— نه وار؟ دییه صوردی.

نه وار دییه نیچون صورو یوردی صانکه؟ بن اونی کوزل و طاتلی شیئلری
پایلاشمقدن باشقه نه ایچون چاغیرردم؟

— کل هله! دیدم.

— آما یمک یتیشمه یه جک صوکره.

وارسین یتیشمه سین، دییه جکدم؛ فقط لزوم قالمادی. کان صوصمش، بد بر سس،

هیچ سومدیکم بر دیلدن قونوشمغه باشلامشدی. بکا ایچم یکیدن بوشالی ویره جگمش
کبی کلدی. موتفاغه کچدم: کان سسنگ کتیردیکی ایشیقلی وایلیق خاطره بی قایب
ایتمک ایسته میوردم.

او بر شیلر یاییوردی: باشنی بیله چویرمدن، راست کله بر کولوشله:
— نه وار؛ دییه صورتی.

— هیچ! دیدم!

حالبوکه عینی آن ایچنده، صاچلرینی آووجلایوب یوزینی بکا دوغری چویرمک
و: «سن تیچون او کونکی کبی دکلسک؟» دییه باغیرمق ایسته میوردم.

ماصه نك اوستی قارما قاریشیقدی: بر تپسیده پرنچ واردی؛ اونی صباحلین قارشى
قارشى یه ایکیمز آیقلامشدق. صباح هوا کوزلدى، کز. کی طاصارلامشدق. اوتده
سویولمش هاوجلر دورویوردی.. و او بکا باقیوردی بیله..

— نه دوشونویوردم. بیلیرمیسک؟ دیدم.

اومورسامدن:

— نه دوشونویورسک؟ دیدی.

دیشلرمی صیقدم، بردنبره باشنی چویره رک؟

— نه یاییورسک اوراده؟ دییه باغیردی.

اکمک بیچاغنی آلمش، هاوجلره هجوم ایتمش. بن بونک فرقنده دکلم، فقط
ایستیفی بوزمدن:

— هیچ دیدم پالو ایچون حاضر لایورم.

بو ائاده: دیک هاوجلر بدن مهم: «دییه دوشونویوردم.

— دلیردکی سن، الله عشقنه؟..

ایشمه ده دقتله دوام ایتم. براز خرچینلاشدی:

— صوکره بر ایشه یاراما یا جق هاوجلر.

اورالی اولدم. سسنى براز ده یوکسلتدی:

— بیراق آرتیق، اکنمکسه، بو قادار کافی...

حیرتله اوکا باقدم. سسم غایت سا کندى.

-- سن بونی اکلنجه می ظن ایدیورسک؟

او ده طیق بىم کبی ساکنلشی ویردی :

دیمک هاوجلې پلاو ده اولویور...

ایضاح ایتدم :

-- انسانلر عمومیتله بویله در، یاوروم. بیلیمدکاری شیئلری اصلا اولامازمش فرض

ایدرلر. علم ذهنیتی ایشته بونکله مجادله ایدر.

تاواده یاغ چیز دایور، او بنی سس چیقارمادن دیکله یوردی. هاوجلرک اک

کوزلنی سچهرک دوام ایتدم :

-- سن شیمدی به قادار هاوجلې پلاو کورم دیکک ایچون بونی اصلا اولامز

ظن ایدیورسک.

-- پکی، سن کوردکی؟ دییه صوردی.

-- خایر! دیدم، فقط نه دن اولماسین؟

-- اولسه نه چیقار؟ سن بیلدیکمز پلاوی بکنمیورمیسک؟

آکلایشسرلغنه آجیورمش کبی کولام :

-- بکنیورم، هم ده چوق بکنیورم حتی داها ده چوق بکنه بیلیرم. فقط بو،

اوندن ده داها چوق بکنیله جک بر پلاوی آرایشمه مانع اولابیلیرمی؟ بن اکتفا

ایتمه نهک بر فضیلت اولدیغنه اینانیورم. انسانلغی بو حاله یوکسلتن، بو فضیلتدر.

علمک آناسی بو فضیلتدر. بىم ایستدیکم، بو فضیلتک موثفاغمز ده کیرمه سیدر.

-- خایر! دیدی، نه او فضیلت، نه ده باشقه فضیلت کیره بیلیر. بو موثفاغه. بو موثفاق

ساده جه بنمدر. یعنی دیمک ایسته یورم که سن شیمدی بوراده فضله سک !.

آچیق الارنگای ایری کوزلری چاقق چاققدی. کوزل قاشلرینک آراسنده

ایجه جک بر چیزکی بلیرمشدی. قیغیل دوداقلری خفیفجه تیره یوردی. سس نه

قورقونج بر طاتلیق ویره رک علاوه ایشدی :

-- هایدی. سن اودا که کیت، کتاب اوقو، اسنه ویا اوزان !

— پلاوی حاضرلامدن ناصل کیدرم جانم؟ دیدم.

ومانع اولماسنه فرصت ویرمیه جک قادار سرعتله، فقط سکونتی بوزمدن پرنجی مالطیزک اوستنده کی سوبه صالی ویردم، آرقاسندن ده هاوجلری بوجا ایتدم. آتیلدی. فقط کچ قالمشدی. یانقلری پنجه پنجه قیزارمشدی. بو حالیه ایلاک راند، وومزده کی قادار کوزلدی. و بو حدتی مغلوب ایده بیلمک بکا ایلاک عشق قادار طاتلی کله جکدی. بردنیه قوجاقلادم؛ اوپدرمدی. اوسته لک ایکی تانه ده طوقات ووردی.

— سکا نه اولوبور بویه قوزوم؟ دیدی.

فقط دیکلهین کیم؛

— چیق بورادن. کیت دیورم سکا. دیدی.

— شاشیلاجق شی! دیدم. بورادن چیقایم ده نره یه کیدهیم؛

او بکا. أولک دنیا قادار کنیش، اوجسر بوجاقسر اولدیغی آکلامق ایسته بور؛ بنسه، بلکه ده دوغریلغی سزدیکم انچون، اوده موافاقدن باشقه بریر اولایله جک-قبول ایتمک ایسته میوزدم:

دیمک بنی اودن قووویورسک؛ دیدم.

بونیه نره دن چیقاردک؛

فقط ایضاحه لزوم کورمدم.:

— مادمکه اولیه ایسته یورسک، پکی. بنی بو قادار آکلایشسزمی ظن ایدیورسک؛

— یاسن؟ سن بنی کندکدن ده بودلامی ظن ایدیورسک؛ ذاتاً بو، صبا. بدن

بلائییدی.. سینمه مایه کیده لم دیدم. یاغموری بهانه ایتدک. تاوله اوینایلم دیدم؛ اوقویاجغم دیدک. مادمکه ایسته یوردک، نچون شیمدی یه قادار دوردک، سنی طوتان کیم، هادی نه دورویورسک وقت قایب اتمه.

اوکا کوزلرمی قیصارق باقارکن، بچاغی کوت دییه ماصیه صاپلادم و دیشاری چیتدم. آرقامدن تکرار:

— کیت! دییه باغیردی.

بر آن دوراقلادم. نیه کیده جکمشم صانکه.. اوکا بر غالبیت وسیله سی اولسون

دیه می؟ . ناصل اولسه کری دونه جکمدن آمین ، کوکسنی کره کره « کیت ! » دیه میدان او قویور .

فقط اولمادی ! صاندالیدلری دویره دویره کیتدم . بو صیراده « دونوشدن دونوشه فرق وار » دیه میریلدا نیوردم .

سوقق قییسنه واردیم زمان ، موتفاغک اشیکنه چیقارق :

--- پلاوی برباد ایتدک . شیمدی ده کیدیورسک . دیدی .



جادهیه چیقدیغ زمان ایچمده : شو زقومی آدام کبی ایچمکی حالا او کره ندمدک . « دیه جک بر آرقاداشه حسرت واردی .

پلاوی برباد ایتمش . سسی قولاغمه یکیدن بلیردی ؛ فقط بونی سویلرکن بر تحفدی .

بن آرقاداش فلان ایسته میوردم . بر قورت کبی یالکیز اولمالیدم ؛ یالکیز ویپیکی بر یایلاده .

یاغمور نه کوزل چیسه لیوردی . فقط انسانلر ، بکا یابانچی ، بکا آلدیریش ایتمهین انسانلر . حالبوکه بن ، مثلاً شو قادیخی سوه بیلیر ، شو آدامله پکاعلا دوست اولاییلیردم ، اما اونلر کچوب کیدیورلردی . راست کله بر میخانهیه کیردم . بوفه نك اوکنده کی طابوره لر دن برینه اوطوردم . بر حمله ده بوئون شیشه لری بوشالتمق ایسته دم .
بر قدح ، بر قدح داها ، بر قدح داها ..

یانمده کیلر مسعود انسانلردی . هله بریکی بنی سعادتدن قولایچه تیکسیندیره بیایردی . چوجقلرندن ، قاریسندن ، بیکلرجه لیرادن بحث ایدیور ، خالی اسملری صایوردی . بوفه جی اوکا ووتقاسیله برلکده بر پارچده لیمون کتیردی . آدام لیمونی قدحه صیقمق ایچون بر خیلی اوغراشدی . صویرینه چکیردک صیقیور و بنی اکلندیریوردی . آلائی ایتمک ایچون مکمل بر فرصتدی .

— خالیدن آکلامام اما بک افندی ، دیدم ، شو الکزده کینک لیمون اولدیفنی ایلک کوروشده سویله به بیلیرم .

آدام بكا تحف تحف باقارق :

— ليمونجى مىسكز؟ ديدى.

او بودلا، بو سوزده كى نكتهنى اصلا قصد ايتمه مشدى. بوكا اميم. فقط بن
كنهده چيله دن چيقدى :

— اوت ديدم، بن ليمون اوزرينه اختصاص ياپدم. ايتالياده طورينوده. مكتبك
باغچه سنده سكسن يدى چشيد ليمون واردى !

آدامك كوزلرى حيرتله آچيلم مشدى :

— سكسن يدى چشيدى ؟

— ياردون، ديدم، عجله ايله ياكلش سويله دم، ساده جه يتمش سكز چشيد. باقك
ايتهرسكز سزه اسملرينى صاييم. امانه لزوم وار دكلى ؟ چشيد چشيد ليمونلر،
رنكاري آرى، شكللرى آرى، طاتلرى آرى ليمونلر..

بوفه جى ده بنى ديكله يوردى :

— طاتلرى آرى ليمونلرده وارمى؟ ديهه صوردى.

اونى « سن ايشكه باق » دير كې، شويله بر سوزه رك :

سز بكا بر پورسيون هاوجلى پلاوكتيرك ! ديدم.

— هاوجلى پلاومى ؟

— صاحى، ديدم، سز بيلمز سكز. پلاكى اولسون !

يانمده كى آدام كوزلرينى بكا ديكه مشدى، درين درين ايجمى چكدم :

— بو بيم قاريمك، رحمتلى قاريمك يمكيدى.

— رحمتلى مى ديديكز ؟

— ديك ديك باقدم :

— بو شاشيلاجق بر شى مى :

آدام ككدهدى :

— خاير استغفرالله ! كنجسكزده !

— او بندن ده كنجدى. و بز بش آيلق اولييدك.

آدام بكا قارشى بر قاردش كسيلويومشدى. بو بكا پك دوقوندى :

— دهلى كې سوه ردك بر بر مزي... سوكره هاوجلى پلاو...

كوزلرم ياشاردى. غارصون پلاكى كتيرمشدى. فاصوليه لره كينله، نفرته باقارق :

— بن آرتيق يمك يييم كه ! ديدم.

آرتيق آغلايوردم.



بورجمى او آدام اودهدى، سوقاغه برابر چيقدق، بنى كزدرمك، آووندرمق ايسته يور، اسرار ايديوردى. نهايت حزنم اونى مغلوب ايتدى و بن يال كز قالدیم.

اوه، قاريمه دوغرى اوچق ايسته يوردم. ايچمده وجدان عذابنه بکزه ين فقط عيني زمانده چيلغين بر نشئي مژده لين برشى واردى. بر تاقسى يه آتلادم.

ياتاق اوداسنه ييلديرم كې كېردم. اونى اوموزلرندن طوتارق.. وار قوتمله صارصدم. صاچلرى دالغالانيور، قورتولمق ايجون چيرينيور، فقط كولويوردى. بير اقديم زمان :

— سن چيلديرمشك، ديدى.

اويدم. يوزيني بوروشدوردى. :

— سرخوش ! ديدى.

— بن هاوجلى پلاو ايسته رم، آچيم... ديدم.

— كل... ديدى.

موتفاغه كچدك. طباغى كتيردى. ياريسندن فضلنه سنى يمشدى. كولهرك :

— براز ده اعتنا ايديلسه فنا اولماياجق.. ديدى.

— وقت برافدك كه ! ديدم.

استانبولی دیکله یورم

استانبولی دیکله یورم، کوزلرم قاپالی ؛

اوجکه خفیفدن بر روزکار اسبور ؛

یاواش یاواش صاللا نیور

یاپراقلر آغاچلرده

اوزاقلرده ، چوق اوزاقلرده ،

صوجیلرک هیچ دورمایان چنغراقلری ؛

استانبولی دیکله یورم ، کوزلرم قاپالی .

استانبولی دیکله یورم ، کوزلرم قاپالی ؛

قوشلر کچور ، دیرکن ؛

یوکسکلردن سورو سورو چیغلق چیغلق ،

آغلر چکیلیور دایاقلرده ؛

بر قادینک صویه ده کیور آیاقلری ؛

استانبولی دیکله یورم ، کوزلرم قاپالی ،

استانبولی دیکله یورم ، کوزلرم قاپالی ؛

سرین سرین قاپالی چارشى ؛

جیویل جیویل محمود پاشا ؛

کوورجین دولو آلولر .

چکیچ سسلری کلیور دوقلردن ،

کوزلم بهار روزکارنده تر قوقولری ؛

استانبولی دیکله یورم کوزلرم قاپالی .

استانبولی دیکله یورم ، کوزلرم قاپالی .

باشنده اسکی عالملرک سرخوشلغی ؛

لوش قايىقخانا لىرلە بىر يالى ؛
 دىكىمىش لودوسلارك اوغولتوسى ايچىندە
 استانبولى دىكلەيورم ، كوزلرم قاپالى ؛
 استانبولى دىكلەيورم ، كوزلرم قاپالى .
 بىر يوصمە كچيور قالدىرىمىدىن ؛
 كىفرلر ، شىرقىلر ، توركىلر ، لاف آتمەلر ..
 بىر شى دوشويور الندىن يره ؛
 بىر كىل اولمالى ؛
 استانبولى دىكلەيورم ، كوزلرم قاپالى .
 استانبولى دىكلەيورم كوزلرم قاپالى ؛
 بىر قوش چىرىنىيور اتيكلرنده ؛
 آلىك صىجاقمى دىكلەيورم ، بىليورم ؛
 دوداقلارك ايصالقى دىكلەيورم ، بىليورم ؛
 بىياز بىر آى دوغويور فستىقلارك آرقەسىندىن
 قىلىك ووروشىدىن آكلەيورم ؛
 استانبولى دىكلەيورم .

اورخان ولى

بو اللرميدى

بو اللرميدى ماصالار آراسىندە
 رۇيالره اوزاتدىغىم بو اللرميدى ؟
 آرزو دولو ياشامق دولو ،
 بو اللرميدى رسملىرى طوتاركن اوبويان ؟

بیلایلرک آیدینلق دنیاقلری
 بو الارمیدی حیاتی او دنیالرک ؛
 آلتین بر اویون کبی اسردی
 آلتین توپلرندن موسمک بر روزکاری

طوپراقدن اولر یاپان بو الارمیدی ،
 که شیغمدی ده کککده طوپهاق اولان اولره .
 ال ایشی وظیفه لرینک اوکنده
 طیرناقلرینی ییه رک دوشونمک نه ایدی ؟

قایب اولمش او چیزکیلردن ،
 فالجینک سعادت دیدکلری ،
 او کویلی چاقیسنک کسدیکی بر ،
 سوکوت دالارندن دودوک یاپارکن .

بو الارمیدی کسن ماوی سرچه نی ،
 بر قاچ داملا قان که ظفر و قهر مابنلق .
 بورغانک آلتنه صاقلانارق ،
 بو الارمیدی سومه یین جکینی ؟

آیریش سوگیلی اویونچاقلردن ،
 قیرمش کوچوک شیشه لرینی
 وهر شیئدن ، وهر شیئدن سوکره ،
 بو الارمیدی اللهه آچیلان ؟

فاضل حسنی داسلرحه

اوتوز بش ياش شعرى

ياش اوتوز بش يولك يارىسى ايدر ،
 دانتە گېي اور تاسنده يز عمرک ،
 ده ليقانلى چاغمزده کى جوهر ،
 يالوارمق ياقارمق نافله بو کون ،
 کوزکک ياشنه باقمادن کيدر .

شققلر مه قارى ياغدى نه وار ؟
 نيم مى اللهم بو چيزکيلي يوز ؟
 يا کوزلر آلتنده کى مور حلقه لر !
 نه دن بويله دشمان کورونورسکيز
 ييللار ييلى دوست بيلديکم آينه لر ؟

تومانله ناصل دكيشيور انسان ..
 هانكى رسممه باقسيم بن دكلم .
 زرده او کونلر او شوق او هييجان ؟
 بو کولر يوزلى آدام بن دكلم ،
 يالاندر قاينغيسز اولديغم ، يالان ؟

خيال ميال شيتلردن ايلك عشقمز ،
 خاطره سى بيله يابانجى کايير ؟
 حياته برابر باشلا ديفمز
 دوستلرله ده يوللار آيريلدى پر بر ؟
 کتدکجه آرتيور يالکيز لغمز .

کوک يوزينک باشقه رنكى ده وارمش ...
 کچ فرق ايتدم طاشک سرت اولديغنى

سو انسانی بوغار آتش یاقارمش .
هر دوغان کونک بر درد اولدیفنی
انسان بو یاشه کهنجه آکلارمش .

آیوا صاری ، نار قیرمزی ، صوک بهار ،
هر ییل برائز دهاا بنمسه دیکم .
نه ذونوب دورویور هواده قوشلر ؛
نردن چیقدی بو جنازه ، اولن کیم ؟
بو قاچنجی باغچه کوردن تارمار ؟

نیلرسک اولوم هر کسک باشنده ..

اویودک اویانامادک اولاجق .

کیم بیلیر نرده . ناصل ، قاچ یاشنده ،
بر نمازلق سلطنتک اولاجق ،
تخت مثالی او . مصلطاشنده ...

جاهد صدق طارانیجی

قاریمه

بولونمز سوداوردیه فضولی ، ندیم
قانایان عشقلریله یاشارلر پنده .
سودیکم ، دولتلو سلطانم ، أفندیم ،
أمر ایله شعرلر سویلهیم قاپیکده :

دویولمدق شعرلر ، آغیر وکوزل ..

که مثلی بولونمسن عجمده بیله .

کیتسین قولاقدن قولاغه ، الدن اله ،
بر زمان کوزلرکچون یازدیغم غزل .

و قلیك سودا دییه یاندیغی زمان ،
 آياك اون دوردینه قارشى یخچرده ،
 صاحلارك ، چيلاق اوموزلرك كيجهده
 مصراعلرم دوکولسون دوداقلركدن .

سن فائدهلى نيسان ياغمورى كيميسك ،
 برگت و حضور كتيريرسك شعره .
 ابدیت چيغيرینی آچدك قدره ،
 بو بهارك و بو كوكلك صاحبيسك .

اوقئای رفعت

سعادت

طاپ بورده ،
 طاپ شورده ،
 طاپ قاپينك آرقاسنده ،
 طاپ كوكلارك اورئاسنده .

بىخچره كزدن كورونور ،
 كوزلريكزه سورونور ،
 بيك بر كسويه بورونور .

برچم دكل كه طوتاسك ،
 آفيون دكل كه يوتاسك ،
 روزكار دكل كه اُسوب كچسين ،
 كناه دكل كه اونوتاسك .

ساعت اولسه دوردوروردم،
 یایی اولسه قوردوروردم،
 آدی صائی بللی دکل،
 کتابلردن صوردوروردم.

نه هایمانانک دوزینده،
 نه یدی قات کؤک یوزنده.
 نه بر یکریمی بش یاشنده،
 نه بر حوری قاشنده در.

نه هندده در نه چینده در،
 کوزلر مک ایچنده در،
 بعضاً بکا بندن یاقین،
 بعضاً بکا بندن اوزاق،
 ینه نیم ایچمده در.

بدری رحمی ایوب اولی

حکایه

سنک دوداقلرک ینیه،
 الارک بیاض،
 آل طوت الارمی بیک،
 طوت برار.

نیم دوغدیغم کویلرده
 جویرز آغاچلری یوقدی.

بن بو یوزدن سرینلکه حسرتیم،
اوقشا براز .

بنم دوغدیغم کویلرده
بوغدای تارلاری یوقدی .
داغیت صاچلرکی بیک ،
صاوور براز .

بنم دوغدیغم کویلرده
شمال روزکارلری اسهردی ،
وبو یوزدن دوداقلرم چاتلاقدر،
اوپ براز .

بنم دوغدیغم کویلری
آقشاملری أشقیالر باضاردی .
بن بو یوزدن یالکزلفی هیچ سومم،
قونوش براز .

بنم دوغدیغم کویلرده
انسانلر کوله سنی بیلمزدی .
بن بو یوزدن بویله ناچار قالمشم ،
کولدور براز .

سن تورکیه کبی آیدینلق وکوزلسک ،
بنم دوغدیغم کویلر ده کوزلدی ،
سن ده آکلات دوغدیغک یرلری ،
آکلات براز .

چامد کوله بی

بر قاقاق و انسانلر

« قاقاق آلتنه » ديمشدي . « بي ار ساحلده كي قاقاق آلتنه كوموك ! » . قاقاق ذاتاً قوليه سنك اوزاغنده دكلدي . ساحله باقان ديك ياماجك اوستنده ، داغ چيامكلريله بوكورتلنلرگ صارماش دولاش اولدقلري وحشي بر قيرلنگ اورتاسنده ايدى .

اختيار ، النده تسبيحى ، هر آقشام اونك آلتنده اوطورور . ده كيزك آشاغيده قوملغى طاتلى طاتلى يالايشى سيرايدردى .

ايسته شيمدى مزاريني او قاقاق ياپراقلى كولكلديه چك ، ينه دالغدر آياق اوچنده او چوق سوديكي بستمه يي سويله يه چكدى .

پويله جه ياز چكدى ، كوز چكدى ، قيش چكدى بهار كلوب ده ميس كوشى بر كنچ قيزك كينه بكمزه ين ايلق نغسى طبيعته هو هلايجه بادمير بردن بياضله بوروندى ، قيرلر قوقولريني سوروندى ، دكيز آنيده دورولدى ، او ساكن ماويسنى يكيدين بولدى .

بو آراده اختيار قاقاق ده طومور جفلا نوپ ييراق آچمشدى .

فقط كويليلر بو بهار اونده تحف بر دكيشكلك كشف ايديو رلردى . خاير ، خاير ، بو ساده ييراقلا تمقدين ايلرى كلن او هر ييلكي معتاد دكيشكلك دكلدى . اويله قولاي قولاي آكلاشيلا ميان ، قطعى اولارق تثبيت ايديله مين آنجاق و آنجاق سزيله بيلن بر بامباشقه ، بر عجائب كلشمه ايدى .

قاقاقده شيمدى او نباتلره مخصوص كورونوشدن فضله بر شى ، عادتا انسانلره خاص بر شى ، ناصل سويله مى ، صانكه بر نوع هويت بليرمكده ايدى .

قادينلردن برى « اختيار » ديه هايقيردى ، « اختياره بكمزه يور قاقاق » .

كرچكدن ده قاقاق ، صانكه آلتنده ياتان اختيارك بوتون اوزيني كوكاريله آموب كوده سنه چكيرمشه بكمزه يوردى . شكل اعتباريله ينه عيني آغاچدى بلكه ، فقط انسان اوكا باقاركن او اوزون قامتلى ، ضعيف اختياري كورمش كي اولويوردى .

یپراقلری بيله شیمدی بر باشقه یشیل کورونویوردی. داها مونس، داها صیجاق، عادتاً کولومسین بر یشیل. روزکاردن خیشیردایشلری بيله بر باشقه تورلیدی. آغاچ، یپراقلریله دیله کلشیدی سانمکه. دورغون هوالرده بر فیصیلدایش، روزکارده میریلدانش، فیرطنده ایسه خوموردانش حالنی آلان بر شیلر آکلاتمق ایسته یور کبیدی. نه سویله دیکی آکلاشیلامیوردی کرچه. فقط اونى طانیانلر بو اسرارلی خیشیرتیلرده اختیارک سسنى، قونوشمه طرزینی، حتی جمله یاپیسنی بيله طانیقده کوچلک چکمیورلردی.

توکلی اورایه کومولک ایسته مه مشدی. آدام ایشته نه یامش یامش، روحنی آغاچه ویروب کندینی او چوق سودیکی یر یوزینه آتمک یولنی بولمشدی. هم بویله جه طبیعتی داها یاقیندن، اولانجه حشمتیله طادابیلر جکدی آرتیق. نیته کیم شیمدی صاغلفنده ایکن یاپامدقلرینی یاپیور، نوله بروانشیت قورقوسی اولقسزین کوکسنى یاز یاغمورنده ایصلاتوب آقشام روزکارنده قوروتویوردی.

اسکی دوستلرینک بو صورتله تکرار آرالرینه قاریشمه سی، ساده کویلیلری دکل، قوشلری، بولوتلری، چیچکلری، روزکارلری والاصل بوتون طبیعتی ده سوینچله غرق ائدی.

قوشلر شیمدی کلوب یوزینه کوزینه قونویور، بولوتلر بعضاً آلچالوب آلنی اوپویورلردی. اونک اولومندن بری بویونلری بوکوک دوران چیچکلرسه باشلرینی اوتلرک آراسندن چیتاروب ینه اسکیمی کیکی کیفلی کیفلی صاللانمغه باشلادیلر. حتی اوپله که دکنز بيله، او قارده اولوب بیتهلره بیکانه دکنز بيله، بوایشه پک سوینمش، شیمدی قومصالده بیاض کپوکلرینی کوستره کوستره کولویوردی.

فقط هانکی سعادت أبده قادار سورمش که؟ بر صباح یپراقلرینده کی چیک دامالارینی سیلکه له یوب قوروتان قاواق، آز اوته سنده بر طاقیم انسانلرک اکیلوب قالقوب یرلری اولچدکلرینی کوردی.

آداملر اوکله وقتی کلوب اونک آلتنده اوطوردیلر. النده کی پلانلردن معمار اولدینی

آکلاشیلان برتانه‌سی، اوچ قاتلی ا کسه‌سندن مال صاحبی الدوینی آکلاشیلان برباشقه‌سنه:
 «ماکنه دائره‌سی شوراده اولاجق، لابوراتوارلر بری یانده قورولاجق،
 لوژمانلر ایسه غرب چیه‌سینه راستلایاجق» دیهه ایضاحات ویریوردی.
 قاواق کریسینی دیکله‌یه‌مدی. بو دویدینی سوزلردن یاپراق‌لری دیکن دیکن
 اولمشدی. دیمک بوراده فابریقا قوراجقلردی. دیمک بو جنت قییلری، بو جانم
 بایرلری ماکنه اوغولتوسنه، قوروم قوقوسنه بوغاجقلردی. دیاده باشقه بری
 قلاماشدی یاریم؟

خایر، خایر بونی یاپامازلردی. بو قادار ذوقسز، بو قادار وجدانسز اولامازلردی.
 فقط یاپدیلر ایشته. اونلر اوپله رنک‌لردن، قوقولردن، دکیزدن، طبیعتدن
 ذوق آلاچق صویدن دکلردی. مالیت فیثاتی دیوردن کوزلری باشقه بر شی
 کورمیوردی. مالیت فیثاتی ایسه بوساحله چوق دوشوک اولاجقدی. بناء علیه.
 ایلکین ساحله بر ایسکله قوردیلر. مالزمه دکیز بولیه‌داها او جوزه نقل ایدیلر جکدی.
 صوکره بر مندییره‌ک انشا ایدوب دکیزله ساحلک علاقه‌سینی کسدیلر.
 دالغهلر آرتیق صولری طاتلی طاتلی اوقشامز اولمشلردی. مندییره‌کک ایچنده قالان
 مسکین اولو صولره ایسه دکیز دیمکه بیک شاهد ایستردی.

ساده دکیز می یا، چیچکلرده وضعیتدن شکواچیندیلر. پاپاتیالر قورومدن سیمسیاه
 اولویورلردی. کلینجکلرک قیرمزیمی ایسه ایسلی جانانا بایراق‌لرینه دونمشدی.
 قوشلرک جیویلتیسی، شانتیه‌دن یوکسلن چکیچ سسلری آراسنده کومه
 کیتدیکنندن اونلرده برلشوب قورو حالنده اوتدی ده‌که‌دیلر. فقط بو کورولتولی
 مدیت قونسری ایله باش ایدمه‌یه جکلرینی آکلاجنجه عاقبت اونلرده کوسوب اوتمه‌مکه
 قرار ویردیلر. هم ذاتاً بازارلری غیجیر غیجیر چفته‌لری ایله آوه چیقان شانتیه
 مهندس‌لری خیاتی اونلره زهر ایتمه‌ک باشلامشدی.

قوشلر کوسوب، دکیز صوصوب، چیچکلرده صولنجه قاواق اوکسوزه
 دوندی. «بریلدیرم کلسه ده، بنی ده یوق ایتسه باری» دیهه کوتو کوتو دوشوندیکی
 اولویوردی.

فقط ییلدیرمه حاجت قالدی . بر صباح ، داها اویقوده ایکن بلنده کسکین برتستره صیزی ایله اویاندی . ونهیه اوغرادینغی آکلامادن یان اوستی بوکورتلنلرک اوزرینه دوریلی ویردی .

اوتده بر سس ، فابریقا تورک سسی :

« کناه ده نه دیمکمش » دییه باغیر یوردی . « بزه آغاچ دکل ، بر لازم یر ... ذاتاً نهیه بکزه یوردی . تک باشنه ، سپسیوری بر آغاچدی . »

صوکره معیتنده کی مهندس لره دونوب :

« بوندن چوق کوزل تلفون دیره کی اولور » دیدی . واختیار قاواق صویولدی ، بونتولدی ، بالجه دیره کلر کبی کوزطاشی مخلولی ایله معامله کوروب طویراغه کیره جک قسمی زفتلندی و بواشلر بیتنجه ، اوزرینه بر پارماق قالدینلنده بویا سورولوب تپه سنه ده کلاه کبی چنقر بر باشلق کچیرلکدن صوکره آنا شبکینی فابریقا سائترالنه باغلایان یوله ، اوبر دیره کلرک آراسنه دیکیلدی .

بویله جه یاز کجی ، کوز کجی ، قیش کجی ، هر ییل اولدینغی کبی بهار بر کنج قیر مثالی اتکلیکنی قالدیروب صیجاق رایحه سی ایله ینه قیرلرک اوستنه چوکو ویردی . کزینچی قوشلر کیتدکلری یرلردن دوندیله . بوجکلرله قورتلر صافلانقلری یرلردن چیقیدیلر . پاپاتیله لر تاواده یومورطه کبی اورتالغی صاری ایله بیاضه بویادی . وکلینجکلر بر ییل اول فابریقا قورومندن صولوب کیدن جدلرینه عناده ، قیقیرمزلی آچی ویردیلر .

بو آواده قاواقدن بوزما دیرک ده بوتون وجودینه صو یورودیکنی حس ایدیور وکیجه کوندوز چیطیر چیطیر طاتلی بر بهار سرخوشلغی ایچنده کرینوب دورویوردی .

نهایت بر کون اولاو قالین بویا طبقه سنی پول پول قاپارتان سیویلجه لر دوکدی . صوکره اوراسنده بوراسنده بیاض کورپه دالار سوردی . و بر صباح باشند آشاغی یمیشیل یاپراق لرله دوناندی .

بوکا ساده کویلیلر ، قوشلر ، چیچکلر دکل ، ترسنه چوریلش قهوه فنجانلرینه بکزه پن ایزولاتورلر بیله شاشدیلر . فقط فضله یاغلرینی اریتمک ایچون قاریسی ایله یورویوشه چیقان فابریقاتور اونى بو حالده کورونجه کویلره بیندی .

« وای ناموسسز » دییه هایقیردی . « بو او ده ویردیگمز قاواقدن پاییلان دیرهك دکلئ ؟ کورویورمیسک خام ، بکا عناد یاپیور . اینان اولسون ، بکا عناد یاپیور » .

کویلیلر هر نه قاذار « دکلدر بکم ، بو او قاواق دکلدر » دیدیلر سه ده فابریقاتوری تسکین ایده مدیلر . آدام فنا حالده قیزمشدی !

« یاپراق آچمش تلفون دیره کی نره ده کورولمش . دییه فریاد ایدیوردی . « اولاجق رزالتمی بو » باری بوندن صوکره تللر ده میوه ویرسین . بز بوراده مساعیدن اقتصاد ایتمکله باقیورز . بو دیرهك قالمش دال بوداق صالیور . بوتون دیرهكلر دال سورهك اولسه بودامغه آدامی یتیر » .

صوکره معیتنده کی مهندساره دونوب « کسلیسین » دییه فرمان ایتدی .

درحال مردیوه نلی اوطوموبیل کلدی . آداملر تللرله ایزولاتورلری بر باشقه دیره كه آقطاروب یاپراقلیسنی یره ییقدیلر .

فابریقاتور بر بالطه قاشمش ، دیرهكك كوك باغلامش زیفتملی قسمنه ، یاپراق آچمش دالترینه وورویور ، وورویوردی . حرصنی پونکله ده آلامدی . دیره کی آداملرینه قوش باشی دوغر ایتدی . بو پارچه لری دخی اورتاده براقتمدن قورقوبوردی . نه اولور نه اولماز ، بر دهاکی بهارینه کیم بیلیر نه مادیک اویناردی . دیرهكك انقاضنی اوراده ، کوزینك اوکنده بر کوزل یاقدردی . و کوللری طوپلاتوب دکیزه آتدردی . کرچه اختیار قاواق شیمدی ده دالغالره قاریشوب ساحله ووزابیلیر ، بخار اولوب یاغمور تانه سی شکنده ینه سودیکی قیرلره یاغابیلیردی . فقط فابریقاتورك عقلی او قاذار ایجه سنه پک ارمیوردی . بو اعتبارله ممنون و مسرور اللرینی ییقایوب دأره سنه مایونه زلی لورکله فاصولیه پلاکیسی یمکه کیتدی .

او کیجه چیچکلر صباحه قادار قان آغلادیلر . قوشلره کلنجه ، اونلرده ایلکین آه و واه ایتدیلر اما ، صوکره باش باشه ووروب بو حرکت بر مثلله مه چاره سی آرادیلر . بر آغاچ قاقان : « انتقام ! » دییه باغیردی . سرچه لرك اك ياشلیسی : « پکی اما ناصل ؟ » دییه سوردی . جانی طاتلی بر صاقصاغان : « حریفلر دیشلرینه قادار ساحلی ! » دیدی . طوپدن کیتسه ک هیمزی وورورلر . تجربیلی بايقوش : « بر فدائی سچرز » دییه تکلیف ایتدی . « ایچمزدن بری » .

داها سوزینی بیتیره مه مشدی که اختیارک آووجندن یم یمش بر اییبیک قوشی « بن کیدرم » دییه آتیلدی . « یارین ذاتا فابریقانک آچیلش تورهنی وار . بن هیکزک انتقامنی آلیرم ، ایجاب ایدرسه بو اوغورده سوه سوه اولورم » .

ایرته سی کونی ، داها صباحک ایرکن ساعتدن ، فابریقاده بر فعالیتدر باشلادی . هر پنجره دن بر بایراق صارقیور ، هر طرفده آلی موری ، یشیلی بیاضلی قورده له لر دالغه لانیوردی . باجالریله کمی دیره کلری کبی فلامالره سوسلنمشدی . بر باندو دورمادان مارشلر چالارکن ، خصوصی اوطوموبیللر ده دعوتلیلری کتیروب کتیروب آتقیته اثر شکلنده حاضر لاش تریبونلره براقیوردی .

نه دعوتلیلر واردی ، نه دعوتلیلر ! ارککلرک چوغی سیلندرلی وژاکت آتایی ایدیلر . قادیلر ایه بیاض البسلر ، ککیش کنارلی حصیر شاپقالر کیمشلدی . بر آرا باندو دوردی ، سس کسیلدی . و اوک صیراده اوطوران طیقیز فابریقاتورک آیاغه قالقوب اوکنه میقرو فونلر یرلشدیریلش کرسی یه دوغری ایلرله دیکی کورولدی . آدام آغیر آغیر باصاماغی چیقدی . نوتلرینی اوکنه آچوب « اوهو اوهو » دییه سسینی عیار ایتدی ، صوکره :

« صایین وکیل بک ، محترم دعوتلیلر : دییه سویله وینه باشلادی . صاقلاندینی پروازدن آشاغیسنی کوزله ن اییبیک قوشی « ایشته تاریخی آن کلدی » دییه سویلندی .

سه که سه که پروازک اوزرنده ایلرله دی و تام فابریقاتورک دازلایق باشی نشان

آلوب بر كوزل پيسله دى . كرچه . ايبيك قوشى اولمق صفتيله اساساً چوق قولاي دفع حاجت ايدردى . فقط او ، ساده جه بو قابليتى ايله يتينمه مش ، بو تاريخى كونك شرفنه بر كيجه اولندن كوف طوتمش كندير تخمى ييوب اوزرينه بول مقدارده دكيز صويني انچمىشدى . بو اعتبارله صياح برى بويوك صانحيلر بهاسنه قاتلاندينى حموله سنى شيمدى دورمادن ديكلنمدن اشاغى بوشالتيوردى .

قابريقاتور ، چيلاق باشنده شاپلايان ايلك داملا اوزرينه غير اختيارى يوقارى باقديغندن ايكنجى اوچنچى پوسته لرى يوزينه كوزينه كيدى .

ديكله ييجيلر ايلكين برشاشيرديلر . بر ايكي قادين دعوتلى كولمه سنى طوتامدى . جسارت آلان اوبورلرى ده ماقاره لرى قويويرديلر . آرتيق شيمدى هپسى ا كيله قالقه ، قاصيقلىرى طوته طوته كولويورلردى . وكيكلك بيله يوزى موصمور كسيلمش ، قهقهه سنى منديلنده بوغمفه چالشيوردى .

قابريقاتور ، يوزينه چوق دفعه پيسلتمش انسانلرلك پيشكين تبسمى ايله منديلى چيقاردى . ياواش ياواش آغزىنى ، يوزىنى ، كوزلىرىنى ، چيلاق باشنى سيلوب صيوازلادى و كورولتونك كسيلمه سندن بالاستفاده :

«بايانلر؛ بايلر!» ديدى ، «بايانلر، بايلر! شو مسعود حادشه دختى ، تاسيدىلر مزك مملكت انچون نه قادار خيرلى ، نه قادار اوغورلى و قدملى اولاجفنه بر فال خير صاييلمزمى؟» .

وطيقيز قابريقاتور بو ضرورى كريركاهدن صوكره تكرار نوتلرينه دونوب اعمال ايدى جكي ترموسيفونلرلك امثالنه فائقيتنى ايضاحه كيريشدى .

خلدون طاكأر